

مدیری: ابن السری
احمد جودت



مؤسسی: ابن السری
مصطفی نامق

آشیان

أدب، علمی، أخلاقى هفتهاق مجرء، در

تاریخ تأسیسی ۱۳۲۶—۱۳۲۴

۲۸ آغستوس، ۱۳۲۴

نومرو ۱

استانبول

محل اداره سی: باب عالی جاده سنده دائرة مخصوصه

شرکت مرتبیه مطبعه سی

۱۳۲۴

ألى الابد بو سؤال عنود و خزن آكین،
 ألى الابد یاه جقدر، مقارن ظلمت
 بوتون حیاته مقابل، بش آلتی خسته دمت.

ابن السرى
 مصطفى نامق

— ۲۰ مازت ۳۲۴ —

حیات حقیقیه صحنه لری:

تبدیل هوا

نه وقت مستعجل بر کاغد چیقارمغه مجبور اولسه م زواللی بر طفل بادیه نك
 غریب زده خیال محتضری کوزمك اوکنه کلیر. بر ایکی سنه اولویور؛ بر کون،
 بیتروپ کیتمك اوزره استعجال ایتدیکم اوراق آراسنده بر تبدیل هوا کاغدی.
 دقتمی جلب ایتشدی. مسوده سی ایچون هیچده لزوم اولمادیفی حالد ملوفلرندن
 برینه شویله بر کوز کزدیردم، صوکره براقه مایه رق هپسنی اوقودم. بو، ابتدا
 مکتب طیبینك بر راپورندن باشلایوردی. بصره لی بر چوجوغك «سل الریه
 علتنه دوچار اولسنه وخسته لق سمرعتله سیرینی اجرا ایتمکده بولنسنه مبنی»
 تبدیل هوا ایچون «بر آن اول مملکتنه اعزامی» لزومندن بحث اولونیوردی.
 صوکره بو اساس اوزرینه بر تائی جدیدتپروانه ایله آیلرجه سورن بر طاقم
 معاملات باشلامش، حواله لر، درکنار لر، باشقه راپور لر، تذکره لریازیللمش، مخا-
 برات جریان ایتشدی. اک نهایت، حل اولونامیان بر نقطه قالیوردی: خر جراه.
 خسته نك بصره یه قدر اولان خر جر اهنك هانکی بودجه دن تسویه ایدیله چکی،
 زرده دن قارشیلای بولونه جنی تعین ایتک ایچون بوتون بو اوراق دأرهدن دأرهدیه
 دولاشیوردی. وشمیدی یورغوق، نومید بر حالد یازینخانه مك اوزرنده دیکله ن
 بو اوراق ایچنده طفل بادیه نك بر آن اول مملکتنه اعزامی لزومندن بحث ایدن
 طیب راپورلری الدن آله کردجه بیرانمش، صانکه کندیلر یله برلکده او لزوم

مېرمده زواله يوزطوتش، آرتق اهميتدن دوشمىدى. يالكىز، خسته لغك سرعتله سيري اجرا ايتديكى كوسترن سطرلر آجى بر معنى، غنيف بر وضوح كسب ايدرك بوغوق برفرياد ايله روحى طيرماليوردى. بو عذاب اليم ايجنده بيجاره چوجوغى تخيلدن كندىمنى منع ايدمىوردىم. او شيمدى مكتب خسته خانه سنك دمير قاريوله سى اوزرنده، بياض بادانالى چيلاق ديوارلر آراسنده اولديريچى اوكسوروكلك قهر حيات سوزيله ايكله يهرك، صارصيلارق، سرعتله سيري اجرا ايدن خسته لغك تاثيريله هر كون بر پارچه دها ارييهرك، صولارق اوراده ممات ايله اوغراشيوردى.

زواللى خسته، بعضاً بايعين بر حالده ياتار كن قارشىكي ديواره منعطف قلاتن كوزلركده بر لمعة تحسّر كوروليور، نه دوشونيورسك؟ سنهلردن برى آرقده بر اقدىغك باديه نك اوخوين غروبلرينى، صاف مهتابلرينى، اويشيل خورمالقلىرى، اويانسنز قوم صحرالرينى مى نخطر ايدىيورسك؟ اوراده سوكيلى بر پدرك، مشفق بر والدهك، معزز همشيرلرك، قاردهشلك، دوهلرك، قصر اقلرك واردى، دكلى؟ احتمالكه بو خاطره لر آراسنده شيمدى پش خيالكنده چوللرك بوتون حرارتلرينى جمع ايتش قدر ياقيجى، بارلاق بر چيفت سياه نظرده سنى اورايه جذب ايدىيور. احتمالكه بونلرك هيچ بر يسمى دكل. احتمالكه ساده جه او سربست سمالر، او سربست اقلر، او سربست حياتلر ايجون متحسّر اولييورسك. احتمالكه سنى مدنيتك، بو قالديريملى سوقاقلرى، بو يوكسك ديوارلرى صيقيور، بوغيور. فقط، براز دها جسارت، براز دها متانت... ايشته اوافق بر مشكل قالدى. اوده يقينده. يته جك، آرتق باديه كه قاووشه جقسك...

فى الحقيقه، نا قابل حل كى كورونن خر جراه مسئله سى ده بر كره دها مخبره دن صوكره تسويه ايدلدى. آرتق هيچ بر مانع قالمامشدى. نهايت بيجاره مملكتته قاووشه جق، كيم بيلير، بلكه اوراده يكي بر حيات بولاجقدى. كاغدلرك آرقه سنى براقييوردم. مستعجلاً الدن چيقارمق ايجون اوغراشدم؛ يازيلوب امضالاندى، اوراقه تسليم ايديلدى. ممنونيتله بر نفس آلارق صوفايه چيقدم.

- آشان -

بو ایشی تعقیب ایچون اولجه برقاچ کره کلوب کیتمش اولان مکتبک مبصری
اوراده آئنده معاش سندی اولدینی حالدده بوسنده دائر اهمیتلی بر بحثه کیریشمش
کبی بر قاچ کشی ایله برابر قونوشیوردی .

درحال یاننه یاقلاشهرق :

— خسته ناصل اولدی، دیدم، کانغدی شیمدی چیقدی. آرتق مملکتته
کیدییور .

مخاطبم، معاش سندینه عائد محاوره بی کسمکه راضی اولامیهرق ایکی لاقیردی
آراسنده جان صقینتیسيله، باشندن صاوارجه سنه جواب ویردی:
— هاء دیدی، اونی بو کون کومدک .

— ۱۰ مایس، ۳۱۵ —

حسین جاهد

وطن!

اڭ مسعود و بختیار کونلرم سنک یانکده، سنک او هیچ برشیته دکیشیله مهین
رفاقت نواز شکارکده کچمشدر .

کوزلرم اڭ اول سنک اومائی ایپکلر، پنبه یالدرلر ایچنده پارلایان آسمان
صافکی کوردی: قولاقلم اڭ اول سنک ناز پرور نغمه جنان آهنگکی ایشدی،
جسمم اڭ اول سنک ویردیکک شیر مصفاى کرمله غدا لاندی، آياقلم اڭ اول
سنک فیضناک و نظردبا شیلر یتشدرن و کنوز خاطرات اجدادیمزى صاقلایان پاك
و مقدس طور اڭ اوزرنده یورودی....

* *

طبیعتک روح بشرله اولان معاشقه سنی اڭ اول سنک آهنگ رنگین بهارکده
یولان روحم، بلبلرک، چیچکلرک، سحرلرک شفق لرکله استیناس، ایدرک، او
عالمده بولدیغی صمیمی روحلرله یوکسله یوکسله، سنده کویا جنات عالیاتی آندیره.
جق قدر بویوک بر اقلیم خیالی تماشا ایتدی. سنک دیدار جلالک ایچون زمان